



REPUBLIKA E SHQIPËRISË  
AVOKATI I POPULLIT



Adresa: Bulevardi: "Zhan D'Ark" Nr.2  
Tiranë, Shqipëri

Tel/Fax: +355 4 2380 300/315  
E-mail: [ap@avokatipopullit.gov.al](mailto:ap@avokatipopullit.gov.al)  
[www.avokatipopullit.gov.al](http://www.avokatipopullit.gov.al)

Nr. 107

Prot.

Tiranë 11/10/2017

**Lënda:** Mbi trajtimin financiar të anëtarëve të komisionit të pavarur "Ad Hoc", që do të verifikojë dhe vlerësojë paraprakisht kandidatët nga radhët e avokatëve, për anëtarë të Këshillit të Lartë Gjyqësor dhe Këshillit të Lartë të Prokurorisë.

**Drejtuar :** Sekretarit të Përgjithshëm,  
të Këshillit të Ministrave  
Z. Engjëll AGAÇI

Tiranë

I nderuar z. AGAÇI,

Në përputhje me parashkimet e bëra në nenet 23-35 dhe nenet 121-133, të Ligjit nr.115/2016 datë 3.11.2016 "Për organet e qeverisjes së sistemit të drejtësisë", Avokati i Popullit ka zhvilluar disa mbledhje të komisionit të pavarur "Ad Hoc", që do të verifikojë dhe vlerësojë paraprakisht kandidatët nga radhët e avokatëve, për anëtarë të Këshillit të Lartë Gjyqësor dhe Këshillit të Lartë të Prokurorisë.

Një nga problemet që ka dalë gjatë mbledhjes nga ana e anëtarëve të komisionit të pavarur "Ad Hoc", është mundësia e trajtimit të tyre financiar për punën e kryer në kuadër të funksionimit të këtij komisioni, sipas përcaktimeve të bëra në nenin 27, pika 4 dhe në nenin 125, pika 4, të Ligjit "Për organet e qeverisjes së sistemit të drejtësisë".

Sa më sipër, duke qënë se në ligj nuk jepen detaje të tjera sqaruese dhe referuese mbi trajtimin financiar të anëtarëve të komisionit të pavarur "Ad Hoc", që do të verifikojë dhe vlerësojë paraprakisht kandidatët nga radhët e avokatëve, për anëtarë të Këshillit të Lartë Gjyqësor dhe Këshillit të Lartë të Prokurorisë, do t'ju luteshim që për një ecure efektive dhe normale të punës së komisionit të na sqarohej konkretisht se, ku do të bazohet dhe si do të bëhet ky trajtim financiar për secilin prej anëtarëve përkatës.

Duke besuar në mirëkuptimin dhe bashkëpunimin Tuaj,

AVOKATI I POPULLIT

Igli TOTOZANI

